

DE PEREGRINATIONIBVS ET

gnum consequetur commodum, suamq; legationem ad exitum perducet, dabuntur ei etiam dona, ac honorabitur. Et si Saturnus & Mars locis luminarium dominentur, uel ea occupauerint, aut ea opposito aspiciant, fuerintq; super luminaria eleuati, decernitur impedimentorum occasio in itineribus. Quod si uterq; Saturnus, & Mars, in signis humidis morantur, hoc impedimentum ei ex festinatione aquatice itineris, aut ex submersione, uel propter infortunatum iter aridæ uiæ per desertorum locorum transitus continget. At si infixis signis fuerit, id ex præcipitatione, aut ex uentorum flatibus ualidis adueniet. Si uero fuerit Saturnus & Mars in solstitialibus signis, uel æquinoctialibus, periculum eueniet ex defectu uictualium, uel propter malum aërem. Si autem in signis humanæ formæ Saturnus uel Mars fuerit, ex uiarum abscisionibus, uel deprædationibus euenire periculum dicemus. Sed si fuerint Saturnus, aut Mars in signis bestiarum silvestrium, ex luporum rapacitate, seu ex terræ motu periculum imminebit. Quod si Mercurius cum infortunis fuerit, aut eas aspicerit, existens in signis humanis, periculum eueniet ab armatis latronibus. In signis bestiarum existens Mercurius, aut uenenosis, sicut in Scorpione, impedimenta ex morsu euenire significat.

Si in genitura alicuius, nato portentitur infortunium in itinere, quo tempore uenturum sit determinabitur. Quando Iupiter in genitura alicuius occupauerit domum nonam, aut domum substantiæ, & in principio alicuius anni ex directione revolutionum perueniret ad Iouem, decernit nato illo anno fortunatum iter secundum exigentiam. Quando Saturnus aut Mars occupauerit loca itinerum, aut aliquis ex his impediret Lunam per corpus, aut per aspectum, motu directorio, decernit nato itinera periculosa. At si Iupiter esset in nona ex motu directorio, & ueniret ad eum Iupiter uel Venus, decernit illo anno itinera cum profectu. Eodem modo intellige de profectionibus & revolutionibus annorum, nec non de eclipsibus & coniunctionibus magnis,

Hæc Ptolemaeus.

Aliorum sententiæ & aphorismi.

Pro peregrinationibus considera	Domum tertiam & nonam.
	Dominos eorum.
	Partem itinerum.
	Dominum eius.
	Almuten significatorum itinerum.
	Partem stabilitatis.
	Tres dominos triplicitatis nonæ.
	Secundum dominum triplicitatis tertię.
	Tertium dominum triplicitatis tertiae.
	Tertium dominum triplicitatis primæ.

Almuten significatorum itinerum accipitur à	Cuspide nonæ domus
	Domino eius
	Planetis in nona
	Marte
	Parte itineris
	Domino eius

Primo dño triplicitatis nonæ	Primo dño triplicitatis nonæ
	trarium, dic contrarium huius.

Qui si cōmixtus fuerit cum domino ascendentis, faciet multa itinera. Et si plures fuerint fortunæ, uel si Almuten eorū fuerit fortunatus, uel applicerit ad dominum ascendentis, uel dominus ascendentis ad eum, significat itinera utilia, & ad bona loca. Si cons

Melior